

Høyringsfråsegn til

Framlegg til rettskrivingsendringar i nynorsk og bokmål 2026

Erik Solem

Til punkt 3.1

Eg merkjer meg at framlegget tydeleg ber merke etter at nynorsken vert retta etter bokmålet, men ikkje på noko punkt rettar bokmålet seg etter nynorsken. De peikar på *bruksprinsippet*, og eg vonar at tekstkorpuset gjev eit betre grunnlag denne gongen en ved rettskrivingsbrigdet i 2012, då det kom fram at store bokmålsinnslag i nynorskorpuset fekk utslag for avgjerdene.

Til punkt 5.1

De peikar på «usystematiske trekk i norma» for å normera blandingsformer av vass-sjuk og «rettar opp» ved å leggja til tvo nye former (her brukar de vel i grunnen òg *enkelheitsprinsippet* endå de skriv at det ikkje er lagt til grunn?), men gjer alt anna en å «retta opp» systemfråvik når de samstundes tek ut former med *vass-* i mange ordsamband. Når de vil gjera slike undantak, ser eg ikkje at det er naudsynt å leggja til formene *gørrbløt*, *vassbløt* og *vassgrøt*. Formene med -au- kann gjerne vera eineform enno etter *stramleiksprinsippet*, og sameleis er det vel likt til at «vass-syk» einast vert ordlistefyll («vannsjuk» hev kann henda meir fyre seg).